

READINGTON

Restaurant

Bed & Breakfast

Mawlai Mawiong Rim
Shillong, Meghalaya

81320 00254 / 93781 87148
/87875 66272

Mawphor

Khabor Khasi

Ba Man Ka Sngi

Ba Nyngkong

Shu phah Whatsapp
ne Phone ha une
u Number

8794745117

Ki Classified Advertisement
Ne kiwei ki Advertisement
kiba phi kwah ban pynmih
ha ka Kofkhubor

Sa siew Online Payment

Haduh 87,691 ngut ki la dep ioh ia ka scholarship, ki bym pat ioh dei bym pat pyniasoh Aadhar bad bank account

Shillong, Nailur 02 : Ka Sorkar Meghalaya ha ka sngi Balang ka la pyntip paidbah ba ia ka scholarship hapoh ka Umbrella Post-Matric scheme jong ki samla pule ST ka jylla kb adei jong u snem 2025-26 ka la dep ban poi sha ki 87,691 ngut ki samla pule lyngba ka song pisa kaba 91.01 klur.

Kumban shu pynkynmaw hangne, ia kane ka jingkyrshan pisa sha ki samla pule la pyllait paidbah da u



Myntri Rangbah ka Jylla Conrad K Sangma ha ka 27tarik u Nailar mynta u snem. La dep ruh ban pynshai ha kato ka sngi ba kane ka pisa kan shim por hdauh kumba san ne hynriew sngi ba kan poi sha ki bank account jong ki samla pule. Hynrei ha ka jingpyllait khabor la pyntip ba ia kane ka pisa la lah ban pynpoi shwa ka por lyngba ka SNA-SPARSH route kaba pynpoi ia ka pisa beit na ka RBI sha ka account

jong u samla pule.

Na ka liang ka sorkar ka la pynshai ba kane ka pisa ka la poi beit sha ki bank account jong ki samla pule kiba la dep ban pyniasoh ia u Aadhar bad ki bank account.

Ka kyrwoh khabor ka ong ruh ba na ki 96,812 tylli ki aplikeshon kiba la pynshisha mynta u snem, haduh 61,194 tylli kidei kiba dang aplai thymmai bad 35,618 tylli pat ki dei kiba

Bteng sla 5

Khlahd noh ha shen u Rangbah ba thung baji ka Maruti 800 ha ka surok Jakrem-Rangmaw

Mawkyrwat, Nailur 02 : Uwei u briew uba ha ki karta 28 snem ka rta, na ka shnong Mawrap, South West Khasi Hills District, u la khlahd noh ha shen hadien ba ka kali Maruti Car 800 kaba u niah ka la thung baji harud surok.

Katkum ka tyllong khabor, katei ka jingjia ka la jia ha ka

Bteng sla 7

U dei u shynrang briew ha ka rta 40 – 50 snem, lada don ba ithuh pyntip mar dor : SP

Mawkyrwat, Nailur 02 : Ka ophis u Superintendent jong ki Pulit ka South West Khasi Hills District, Mawkyrwat, ka pyntip sha ki paidbah halor kawei ka metiap jong uwei u briew bym pat lah ban ithuh, uba la antad ba u don hapdeng ka 40 – 50 snem ka rta.

Bteng sla 7

Pynbna sngi shuti Unitarian Anniversary Day u DC ha ka 18 tarik

Jowai, Nailur 02: U Deputy Commissioner, ka West Jaintia Hills District mynta ka sngi ula pynbna haka 18 tarik jong une u bnai 2026 kan dei ka sngi shuti ha baroh kawei ka District. La pyntip ba ia kane ka sngi shuti ka long kum shi bynta naka sngi Unitarian Anniversary Day.

Kumta la bthah baroh ki jaka treikam sorkar, ki Revenue ki Magisterial Court, ki Bank bad kumjuh ia ki jaka pule puthi kiba don hapoh West Jaintia Hills District ki dei ban khang khyrdep ha katei ka tarik ba la kdew haneng.

Ai jingiaroh u MR ia ka jingnoh synriang ki nonghikai ha ka jingrakhe Teacher's Day ha Tura

Shillong, Nailur 02 : U Myntri Rangbah ka Jylla, u Conrad K. Sangma, ha ka sngi Balang u la shim bynta ha ka jingrakhe ia ka sngi burom ki nonghikai ha ka jylla ha Tura, ryngkat bad ki nonghikai na kylleng ka rilum Garo Hills bad na ka jylla hi baroh kawei.

Ha kane ka prokram la pynkup burom ruh ia ki nonghikai da ka State Teachers' Awards bad District Teachers' Awards 2026, ki Best Scout Master & Guide Captain Awards bad ka jingai jingiarap pisa hapoh ka Teachers' Welfare Fund.

Da kaba ai khublei ia baroh ki nongioh khusnam, u Myntri Rangbah u la ong ba ka jingithuh bad ka jingpynkup burom kam dei tang na ka bynta kito kiba ioh khusnam mynta ka sngi, hynrei ka dei ruh na ka bynta ki nonghikai ha ka skul ba don tang iwei ki nonghikai ha ka

shnong khappud, kiba trei ia kane ka kam khlem da kwah burom namar ki pyrkhat beit ia ka jingdonkam ki khynnah kiba shaniah tylli ha ki.

Da kaba pynskhem biang ia ka thong treikam kaba skhem jong u, u Myntri Rangbah u la ong, "Ym don

Bteng sla 7

Plie u Myntri ia ka iing skul ba paka

25 snem hapdeng ki rai-eh rai-dam iaid lynti ka skul Lebiwell Memorial SS ha Umling

Nongpoh, Nailur 02: Hapdeng bun ki jingeh jingtynjuh bad ki rai-eh rai-dam haka jingiaid lynti, ka skul Lebiwell Memorial Secondary School kaba don haka shnong Umling Ri-Bhoi District mynta u snem kala kynjoh sha u mawmer ba 25 snem ka jingiaid lynti naduh bala seng iaka ha u snem 2001 ban long ka sharak bad ka shlem ban phrang jingnang jingstad ha katei ka thain.

Ia kane ka skul la seng ha ka 5 tarik u Rymphang 2001 ban ai burom ia i Bah Lebiwell Lyngdoh (Bam kwai ha dwar u Blei) kum u kpa ka ing bad uba dei ruh u rangbah uba don ka jingieit ba kyrpang ban kyntiew ia ka pule ka puthi ha ka por kaba u dang im ha kane ka shnong bad dei da ka jingieit rangbah ki lai ngut ba kynthup iaka Kong Miriam Mawrie, ka Kong Sianti



Mawrie bad u Bah Augustine Wahlang ryngkat ka jingkyrshan ka Kong Isida Mawrie kaba dei ka kurim i Late Lebiwell Lyngdoh uba la don ka jingangnud ban seng ia kane ka skul, katei ka skul ka ieng skhem kumba ka long mynta.

Ha kane ka sngi ka jingrakhe ia u mawmer ba 25 snem ka jingiaid lynti la ioh ruh ban plie syndon iaka ieng building kaba paka hadien

ba baroh shi katta la shu shong haka iing skul kaba la jot rathai, bad ia kane ka jingrakhe iaka jingdap 25 snem ne ka jubili rupa la wan ban plie paidbah da u Bah Lakmen Rymbui myntri ka tnad pule puthi ka jylla kum u kongsan haka jingdonlang u Bah Mayral Born Syiem MLA ka Nongpoh kum u symbud kongsan.

La sakhi ruh ha kane ka sngi da ka jingdonlang ka

kong Rona Khyndeit MDC ka Nongpoh, u Bah Mathew K Makdoh nominated MDC, Bah R Shadap District School Education Officer ka Ri-Bhoi, ki nonghikai, ki kmie ki kpa, ki samla pule barim bad kiwei kiwei ki riew rangbah.

La pynphuh pynphieng ruh ha kane ka sngi da ki jingshad bad jingrwai bala shim bynta shithrem da ki khynnah skul,

ki nonghikai bad ki kmie ki kpa jong ki khynnah ban lehkhen ha kane ka sngi hadien ba katei ka skul kala nang roi bad kiew sted katba nangmih ki sngi.

Haba kren ha kane ka sngi naka liang u Bah Lakmen Rymbui u la la ong, ban seng iaka skul kam long kaba suk hynrei u la ai khublei iaki nongseng, kiba la don bynta ban pynphalang ia katei ka

Bteng sla 7

Khang lut ki dukan ha man la ki jaka

Kynjah beit slam slam ha South Garo Hills ba don ka NCM u paidbah ba ar sngi

Williamnagar, Nailur 02 : Ka South Garo Hills kala pynlong da ka Non-Cooperation Movement (NCM) u paidbah ba arsnig, ha baroh

kawei ka district ha ka sngi Ba-ar; ban dawa ia ka Sorkar ba kan maramot bad pyntrei noh mardor ia ka National Highway-62 kaba la jot rathai.



Ia kane ka jingiakhil ha khot pynlong da ki kynhun Sengbhalang ka District ba kynthup ia ka Garo Students' Union, South Zone; Federation of Khasi Jaintia and Garo People; ADE; AYWO; AHAM; NGCO; bad APA, nalar ki seng jong ki kali kamai kiba la ai ka jingkyrshan. Ka surok NH-62 ka sdang na Negkra sha Bahhmara bad sha kiwei ki jaka ka South Garo Hills bad Baghmara sha Dimapara.

Kum shibynta jong kane ka jingiakhil, ki dukan

Bteng sla 5

'Lehse ki leit kynduh markhmat bad ki nongialam'

Ngin kmen palat lada ki MLA ka UDP kin wan pyniasoh noh sha ka BJP, ong u Bah Sanbor Shullai

Shillong, Nailur 02: U Nongialam ba rangbah ka BJP ha Meghalaya ba dei ruh u MLA ka party na Shillong South bad kumjuh kum u Myntri ha ka Sorkar Jylla, Bah Sanbor Shullai u la ong ba ka BJP ka long kaba kloiban pdiang sngewbha ia ki MLA ka UDP lada ki rai ban iehnoh ia ka party jong ki bad ban pyniasoh noh sha ka BJP.

Haba ia kren bad ki lad pathai khabor hadien ka jingmikhkhor ba don ki MLA ka UDP kiba lah ban pyniasoh bad ka BJP, na ka liang u Bah Sanbor u la ong ba un sngewkmen lada ki MLA UDP ne ki

nongialam na kiwei pat ki seng sain pyrthei ki rai ban wan rung sha ka BJP.

"Lada kine ki MLA ka UDP, ki MLA bad MDC na kiwei pat ki seng sain pyrthei ne ki ki paidbah kumjuh ki nongtrei mon sngewbha ki wan rung sha ka party, ngan dap da ka jingkmn namar ngi long kiba kloiban pdiang sngewbha ia baroh," u la ong.

Ha kajuh ka por u la ong ba u la iohi ia kine baroh tang ha ki kot khabor ba kitei ki MLA ki kwah ban rung ka party. "Ha ka jingshisha, ngam don jingtip eiei ruh em halor

Bteng sla 5

Ha ka PAC, kyntu ka HYC ban bishar mardor ia ka jingkynshew pisa ba T.4, 444.43 klur

Shillong, Nailur 2: Ka Hynniewtrep Youth Council (HYC) kala kyntu ia ka Public Account Committee (PAC) jong ka Meghalaya Legislative Assembly ba kan shong bishar mardor ia ka jingkynshew pisa ka Sorkar haduh T.4, 444.43 klur ha ki 22 tylli ki Public Sector Undertaking (PSU) kiba lah pat

ban pynmih kamai tang T.0.20 klur katkum ka CAG report ha u snem 2024-25.

Haba kdew ia ka kaiphod ka CAG halor ka Pla tyngka ka Jylla jong u snem 2024-25, ka HYC ha ka mudui sha u Chairperson ka PAC ha ka sngi Balang, kala ong ba ka jingkynshew pisa kaba bun bah kat haduh ka 31 tarik

Lber, 2025, kala lah ban wanrah ia ka jingmih kaba rit palat, kaba pynmih ruh ia ka jingkylli kaba sngewkhia jur halor ka jingpyndonkam ia ka pisa.

U President ka HYC Roy Kupar Synrem ula ong ba kane ka kam kala iaid palat ia ka jingmih kaba rit, naba

Bteng sla 5

Halor ka aiñ, ka koit ka khiah, ka pule puthi bad bun ki hok leit pynshai ka DLSA ha Khrang

Sohra, Nailur 02 : Ka District Legal Services Authority (DLSA), Shillong, ha ka jingiatreilang bad ka Meghalaya State Legal Services Authority (MSLSA), Shillong, hapoh ka jingpeit jong ka National Legal Services Authority (NALSA), ka la pynlong da ka prokram pynsngewthuh paidbah halor ka aiñ ha Nangkyrsoi Secondary School, Khrang, Khatarshnong-Laitkroh C&RD Block.

Ia kane ka prokram la pynlong kum shi bynta ban pyntreikam ia ki kshim jong ka NALSA ha ki shnong, bad ka

Bteng sla 5

Pynbna u Myntri ia ka mangtyngka ba 10 lak na bynta ka Thomas Jones Synod College Jowai

Khliehriat nailur 02: U myntri ka sorkar jylla, uba dei peit ia ka pule puthi, u bah Wailadmiki Shylla haba kren kum u kongsan mynta ka sngi ha ka prokram Graduation Day Celebration 2026 ha Thomas Jones Synod College, Jowai, West Jaintia Hills District, u la pynsngew bad pynbna ia ka khung Pisa

Bteng sla 5

Ioh jinghikai bad jingmyntoi kumba 50 ngut ki nongri dohkha, sam jingbam dohkha kumba 5 hajar kilo



Nongpoh, Nailur 02: Ka ICAR-Central Institute of Freshwater Aquaculture (ICAR-CIFA), Bhubaneswar, ha ka jingiatreilang bad ka Department of Fisheries, ka sorkar Meghalaya, ka la pynlong ia ka One-Day Training bad Distribution of Critical Input (Formulated Fish Feed) Programme mynta ka

sngi ha ka ophis jong ka Superintendent of Fisheries, Nongpoh, Ri-Bhoi District.

Ia kane ka prokram la pynlong hapoh ka ICAR-CIFA North Eastern Hill (NEH) Region, da ka thong ban kyntiew ia ka jingri dohkha, bad ka iohkam iohjam jong ki nongrep

Bteng sla 7